

Naija - Biginin Spiritual Fite Praya God Wod - Beginning WP Scriptures

Konfes God Wod - Confession Scriptures

Matu 6:10 mak yor Kindom kom, mak wetin yu wont, hapun for dis wold as e bi for hevun.

Mark 9:24 Kwik-kwik di boy papa kon shaut, "I biliv o-o! Help mi mak I biliv more-more!"

Luk 11:2 So Jisos kon tel dem, "Wen una dey pray, mak una sey: 'Awa Papa wey dey for hevun, wi grit Yu, Mak yor kindom kom.

Jon 14:6 Jisos ansa am, "Na mi bi di road, di trut and life. Nobodi go fit go mit my Papa, unles e pas tru mi.

Jon 17:15 "I nor sey mak Yu rimov dem from di wold, bot mak Yu protet dem from di devol.

James 4:8 Draw near God and E go draw near yu. Una wey bi sina, mak una wosh una hand and una wey get doubol maind, mak una heart dey klin.

Roman 6:12-14 Derfor, mak una nor alow sin kontrol una bodi again, so dat una nor go dey du bad tins. 13 Mak una nor let Satan yuz una bodi tak du bad tins, bot mak una kari unasef giv God as pipol wey don wak-up from deat, so dat una go dey du gud tins. 14 Sin nor go fit kontrol una, bikos una nor dey unda di law again, bot na God grace dey kontrol una naw.

Hibru 9:28 na so tu Kraist die wons, as sakrifais to forgiv pipol foreva and naw, e go bring salvashon to doz wey dey wait for am.

1 Fest Jon 1:9 Bot if wi konfes awa sin to am, e go forgiv us kon wosh evritin wey nor gud for God eye komot from awa life, bikos Kraist dey always du wetin e sey e go du, since e dey raitious.

Ezra 9:7; Daniel 9:8,9 Konfes sins of fada & rulers.

Ezra 9:13 God not punish as dizirv.

Nehemia 9:2 Konfes sins of fada.

Psalm 24:3,4 clean hand, and pure heart stand befor God.

Isaia 59:2 sin separate from God.

Isaia 64:6 our gud as filthy rags.

Jeremia 5:25 sin keep blessings away.

Forgiv God Wod - Forgiveness Scriptures

Matu 6:12-15 forgiv us all di bad-bad tins wey wi don du, as wi sef dey forgiv odas di bad tins wey dem du us. 13 'Nor alow us enta temptashon bot mak yu save us from bad tins.' 14 "If una forgiv oda pipol di bad tins wey dem du una, una Papa wey dey for hevun go forgiv una tu. 15 "Bot if una nor forgiv odas, una Papa sef nor go forgiv una."

Matu 18:21,22 Den Pita kon ask Jisos, "Oga, haw meni taims I go forgiv my broda wey du mi bad? Na sevun taims?" 22 Jisos ansa am, "Nor bi onli sevun taims I tel yu,

bot na for-ondred and ninety taims!"

Matu 18:35 "So, na laik dis my Papa for hevun go du una, if una nor forgiv una brodas from una heart."

Mark 11:25,26 "Enitaim una dey pray, if una get enitin for maind against enibodi, mak una forgiv am, so dat una Papa wey dey hevun go forgiv una tu. 26 "Bot if una nor gri forgiv oda pipol, una Papa wey dey hevun nor go forgiv una."

Luke 6:37 Mak una nor joj oda pipol, so dat God nor go joj una. Mak una nor kondem odas, so dat God nor go kondem una. Mak una forgiv odas and God go forgiv una.

Luk 11:4 Mak Yu forgiv us awa sins, as wi dey forgiv doz wey du us bad. Nor let us enta temtashon."

Luk 17:3,4 "Mak yu shine yor eye! If yor broda sin, mak yu tel am. If e turn from sin kom mit God, den, mak yu forgiv am. 4 "Ivun if e sin against yu sevun taims for won day and e kon tel yu sevun taims sey, 'I don shange', yu must forgiv am."

Luk 23:34 (Den Jisos kon sey, "Papa, mak Yu forgiv dem, bikos dem nor no wetin dem dey du.") So, di sojas kon gambol to no hu go tak Jisos klot.

Apostols 8:22 "So mak yu turn from sin kom mit God and from di bad tins wey dey yor maind and pray mak God forgiv yu.

Roman 4:7 "God don bless pipol wey E forgiv kon tak dia sins komot.

Efisos 1:7 Na tru Kraist blood wi tak get salvashon and na dis blood mak God dey forgiv us awa sins, bikos en grace big wel-wel.

Efisos 4:32 Mak una dey gud to won anoda; dey sori for pipol and dey forgiv ish oda, jos as God forgiv una tru Kraist.

Kolosha 1:14 Dis na di pikin wey pay for us, so dat wi go dey fri and God go forgiv us awa sins.

Kolosha 2:13-15 And ivun doh una bin don die insaid una sin bikos dem nor sekonsaiz una bodi, God kon mak una dey alaif wit am, bikos E don forgiv una sins. 14 E don distroi doz bad-bad tins wey una dey du and wetin dem rite abaut awa debt wey fit kil us, God rimov am kon nail dem for di kros. 15 God disgrace wiked and evil rulas for publik, wen E win dem for di kros.

1 Fest Jon 1:9 Bot if wi konfes awa sin to am, e go forgiv us kon wosh evritin wey nor gud for God eye komot from awa life, bikos Kraist dey always du wetin e sey e go du, since e dey raitious.

1 Fest Jon 2:12 My shildren, I dey rite giv una sey God don forgiv una sins, bikos of Jisos name.

**Pastor T. John Franklin
Church of Salvation, Healing, and Deliverance
COS-HAD.org**